



# DEO OPTIMO MAX. UNI ET TRINO.

VIRGINI DEIPARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA.

QUODLIBETARIIS DISPUTATIONIBUS  
*manè discutienda, in Scholis Medicorum, die Jovis quintâ  
Februarii M. DCC. XXXIX.*

M. JOANNE MIDY, Doctore Medico, Præside.

*Confert-ne ventriculi motus, ad elaborationem chyli?*

L.



OTU vivunt animalia, motu pereunt. Humores scilicet & spiritus agitatione continuâ vitæ functiones absolunt: sed præcipiti dum cursu vehuntur, cutis repagula transiliunt; & quâlibet horâ, solidarum quoque partium, quas fugiendo diruunt, corpuscula secum abripiunt. Brevi itaque viventes deficerent, si perpetua hæc tam solidarum quàm fluidarum particularum damna non repararent alimenta. Hæc ideò sicca vel liquida ( fame & siti jacturæ majoris interpretibus, ) appetunt animantes: utraque verò ex variâ rerum dissimilium congerie genita; diversis enim partibus reficiendis alimentorum mixtione providetur. Itaque igitur de forte suâ nonnulli quærentur, quòd arentes fauces proluere non liceat aquâ, à quibuslibet rerum vicinarum effluviis expeditâ; vel quod

A

nullis aurum diffuatur liquotibus, qui possint impunè ventriculo committi. Vix enim utile quidquam nutritioni pura conferunt elementa, vel metalla, Aurum omnium minimè; quippe quod sibi pertinaciter cohæret; quia similibus ex partibus coalescit, nulla corporis alieni societate discretis. Ne credas tamen alimenta quò sunt pluribus composita, eò magis esse alendo corpori idonea. Profunt quæ natura congestit, nocent quæ miscet ars gulæ delitiis addita. Lædunt cœnæ dubiæ, & mixta assis elixa, Conchyliis turdis. Hæc enim confusa, stomacho tumulum inferunt; & ventriculo vix ex tanto rerum dissimilium acervo chylum elaboranti, negotium ingens facessunt.

## I I.

**C**ANDIDO rore quem mammæ nutriticis effundunt, nascentes paciscimur. Albo liquore quem ventriculus subministrat, toto vitæ decursu reficimur. Humor ille ex cibis attritis, coctis, expressis effluens, chylus est: ut lacti colore & substantiæ modo, sic & facili unius vicissim in alterum mutatione, congener. Et lacte nimirum, tenellis infantium, & languidis convalescentium ventriculis, citissimè chylus generatur; nec minùs expeditè, è chylo cum sanguine ad nutricum mammæ affluente, lactis penuriâ reparatur. Ex liquidis ille solidisque manat alimentis, citiùs quidem & faciliùs, si mollia & simplicia, longo verò & vehementi ventriculi nisu, si dura & composita devorentur. Cum enim chylus, ut fiat accommodatum sanguini rudimentum, æqualis, fluidus, & albus evadat necesse sit; quò plura ab hisce conditionibus remota ventriculo traduntur, eò validiori fibrarum contentione dura mollibus, siccis liquida miscetur opus est, ut res dissimiles in cremorem uniusmodi coalescant. Hic si labem aliquam, dum in ventriculo versatur, contrahat; si nimirum, aut febrili calore illi nidor inuratur, aut resfluente è pancreate succo acutiùs ebulliens, ace scat, vel, resolutis ventriculi fibris, minùs subactus elaboratur; vix aliorum viscerum ope culpa deletur: & licet à crassioribus partibus attritionem aut coctionem eludentibus, à jejuno ad cæcum usque intestinum, expressione successivâ liberetur; & à fœcibus expeditus vasa destinata subeat: nihilominùs delicta ventriculi luit immerita cruoris massa.

## I I I.

**V**ENTRICULUM principem esse primæ coctionis officinam, sitos ejus & adnexa testantur. Medius est gulam inter unde excipiant alimenta, & intestina quibus illa in chylum mutata committat. Ambitu suo sinum, ad cibos continendos, viscerum omnium capacissimum complectitur. Tantâ verò fervidi sanguinis copiâ è propinquo corde, innumeris arteriis quâlibet discurrentibus, alluitur; calidissimaque illum viscera hepar scilicet, lien, pancreas, imò fons ipse caloris, & ab eo præceps æstuantis sanguinis rivus; tam arctè fovent & ambiunt: ut palam constet, tanto caloris apparatu non privatæ partis incolumitati, sed publico culinarii visceris foco provideri. His porro præter salivam, quæ cibis, cum dentibus teruntur, accidit & liquorem è glandulis gulæ & stomacho appositis deciduum, particulæ æræ maxime elasticæ, intra alimentorum ergastula contentæ sint annumerandæ, harum explosione multiplici adeò calore in actum deducta in ventriculo cibos ad dissolutionem promoveri extra dubium est. Ne tamen illum putes, lebetis instar ardenti foco impositi, effervescentia alimen-

ta otiosum continere: idque unum agere, & onus suum quàm proximè am-  
biat, & osculis exactè obliquis donec in chylum abeat, amplectatur. Ne-  
que ut illum ab inerti vendices otio, ab eo chylum absolvi, fabulosà non  
minùs quàm inexplicabili substantiæ proprietate contendas. Verùm ut fa-  
cile, quid ad chylosoos complementum ventriculus conferat, intelligas;  
ipsius structuram, tunicas, nervos, sedulus inquire. Quæ scilicet media  
illi est membrana, carnosà, & omni fibrarum genere intertexta, uti sta-  
minum ordine, multiplici nervorum distributione, & carne tendonum  
æmula, musculi faciem refert, sic & musculi quoque munus obit: neque  
solum rectis fibris rapit alimenta, transversis expellit, obliquis amplecti-  
tur, sed omnibus vel simul, vel vicissim agentibus, quâdam sui totius in  
orbem commotione, (velut in compositis musculis contingit) alimenta  
versat, miscet attenuat, & tunicæ interioris rugis comminuit.

## I V.

**L**ONGIUS multò cerebri patet imperium, quàm vulgò solet circum-  
scribi: neque solum in musculos, ad externas corporis partes arbitrio  
voluntatis agendas, institutos, ab eo spiritus motores influunt; sed in om-  
nia viscera, non secus ac in artus, jus suum proferunt. Viscus nimirum  
quodlibet, sive membranosum illud sit, sive parenchyma audiat, suis agi-  
tatur fibris: quibus solutis, aut contractis, quod amicum est excipit; quod  
superfluum aut incommodum respuit. Neque enim frustra, vel unius sen-  
sus gratiâ qui visceribus obtusior est, tot nervorum propagines in eorum  
membranas distribuuntur; sed nervi in ipsorum intima perreptantes fibris  
adnectuntur; & eas pro diversâ morûs necessitate contrahunt, aut laxant.  
Unde fit, ut quancum illæ nesciâ voluntate moveantur, tamen illarum  
motus, pro variâ imaginationis commotione, sapiens ita temperentur, ut  
in violentis animi pathematis palpitent, vel repente quiescant præcordia.  
Quod verò privatis partibus ad proprios usus concessum est, publicis offi-  
cinis, meliore jure, ad totius œconomiam attributum est. Hinc cor non  
fibris modò, sed musculis pluribus instructum est, quibus indefinenter vi-  
bratur, atque etiam è vivis animantibus evulsum, sanguine vacuum, &  
lotum diu palpat: ut ideo, non abs re, illud robustum musculum divi-  
nus senex appellavit. Huic densâ carne & staminum robore proximus est, se-  
cundus, avium quæ semina deglutiunt, ventriculus: ex fibris enim ille tam  
solidis, nervis, & tendinibus musculorum more compactus est; ut vix  
credat aliquis, tam valida morûs instrumenta id solum muneri obtinere,  
ut grana devorata, quam plurimum integra, complectatur. Animalium  
verò utrinque dentatorum licet ventriculus membranosis visceribus soleat  
annumerari, si tamen insignes nervorum ramos, qui à sexto pari in carno-  
sam illius membranam discurrunt, si firmam ejus compagem, & nervosam,  
quâ convescit tunicam expendamus; illum facile musculi vires gerere,  
atque etiam validos, ad chyli elaborationem, posse motus obire intelligen-  
mus. Nec absurdum videtur, hisce partibus motum earum functionibus  
idoneum, à nervis mutuatum, adscribere, quæ in hysteris, & melan-  
cholicis affectibus, nervorum irritatione, tam vehementer convelluntur,  
ut lienis, intestinorum, uteri, cordis & stomachi concussionem, oculis etiam  
& tactu manifestè percipiuntur.

**T**ANTI motus est absolutum primæ coctionis opus, ut ex quo cibi animantium ora subierunt, nunquam moveri desinant. Primum enim in ore dentibus comminuuntur: mox linguâ, & asperiore palati tunica, vel limâ, teruntur. Ac demum continuâ gulæ compressione ad ventriculum traducti; illius agitatione tamdiu subiguntur, donec quæ minùs divisa sunt fragmenta attenuentur, fluida solidis, tenuia crassioribus admisceantur; & partes quælibet alimentorum, indefinente conversione vim caloris æqualem percipiant, parique menstrui mole perfusæ, similem quoque rarefactionem concipiant. Nec secus ac massa panis, agitatione repetita, fermento melius imbutur; ita chylus frequenti ventriculi convolutione, ut albescit, sic & brevî generosior & perfectior evadit. Adeo ut, quod solâ vividi quantumvis caloris ope, & soluentis liquoris, licet tenuissimi beneficio, sine motu, non-nisi tardiosâ temporis morâ perficeretur, eo agente prælo melius & citius absolvatur. Hinc quibus animantibus gingiva superior inermis est, ut quæ integra ferè devorant alimenta conficiantur, quadruplici ventriculo provisum est: illum nimirum in ingluviæ macerata, quadratis reticuli cristis inciduntur; semilunaribus & asperis Omassi membranæ teruntur; ut tandem, accedente Abomasi compressione, in chylum eliquentur. Sic & avibus quæ vel solida, vel extimâ tantum pelle nudata, grana deglutunt, duplex adest ventriculus: ut hæc in primo, humore è glandulis vicinis affluente, imbuta, in secundo tunicâ molæ instar sulcata munito, lapillis juvantibus quos aves absorberent, & actione validâ musculorum quibus ventriculus ille constat, in pulvem chylousam abeant. Porro; cum ciborum quidquid ventriculus excipit, non simul colligescat, sed sensim partes, quas rugosa illius tunica propius attingit, in chylum disfluant; partitis quoque vicibus per inferius ejus osculum ejiciuntur, & perpetuâ ventriculi compressione, quod coctum & dilutum est, in intestina continuo propellitur; ut sic quod superest elaborandum, simili elidente complexu, melius absolvatur.

*Ergo ventriculi motus, ad chyli elaborationem confert.*

#### DOMINI DOCTORES DISPUTATURI.

*M. Carolus Payen.*

*M. Gaspar Cochon du Puy,  
in arte Maritimâ Rupisfor-  
sensis Anatomæ, & Chi-  
rurgiæ Professor Regius.*

*M. Joannes - Baptista Cho-  
mel, Facultatis Decanus  
Medicus Regis Ordinarius  
& è Regiâ Scientiarum  
Academiâ Veteranus.*

*M. Henricus Guyot.*

*M. Jacobus-Franciscus Van-  
dermonde.*

*M. Philippus Caron, Ani-  
mus Facultatis Decanus.*

*M. Tuffanus-Gilbertus Boul-  
land.*

*M. Adrianus Malaval, Con-  
siliarius Medicus Regis Or-  
dinarius in ejus Castellæto.*

*M. Alexander-Petrus Mar-  
tor.*

Proponebat Parisiis, **LEANDER PEAGET,**  
Parisiensis, Baccalaureus Medicus, A. R. S. H.  
1739. à sextâ ad meridiem.